

آبونه شرافتی : هر رايه
سنه لى (٤٠٠) اتى ايلنى
(٢٢٥) ممالك اجنيه ايچون
سنه لى (٤٥٠)، آلى آيلنى
(٢٥٠) غروشد.

نسخه سى ٧,٥ غروشد.
سنه لى ٥٢ عدد در.

اداره خانه : باب عالي جاده سنده
رشيد افندى خائنده

اخطارات
آبونه بدلى پشيندر.


مسلكه موافق آثار مع المنونيه
قبول اولتور . درج ايدلن
يازير اعاده اولتماز .

والله يهدى من يشاء الى صراط مستقيم

باش محرر
محمد حاكف

صاحب و مدير
اشرف اديب

اتبعون اهدكم سبيل الرشاد



افندي
غروش كوندر لمليد ر.

مكتوبلرك امضالرى واضح
واوقونا قلى اولسى وآبونه
صره نومرو سنى محتوى
بولونسى لازمدر

ممالك اجنيه ايچون آبونه
اولانرك آدرس لرينك
فرانسجه يازلسى رجا اولتور.

پاره كوندر لدكى زمان نهيه
داثر اولدنى بيلد يرلى
رجا اولتور

آرناوود لقمه مدرسه

اسکوبدن غزته مزه یازیلور :

« تیرانده منتشر (زاتی نالت - یوکسک سس) نامنده کی جریده دینه آرناوودلغک علوم دینه احتیاجی تطمین ایتک و عملی ، پراتیک اساسلره مستند اولمق اوزره برمدرسه نك کشادنندن بحث ایتکده در . مذکور مدرسه نك ایکی سنه اول انشاسنه باشلانان غایت جسم و صنعت معیاری نفطه نظرندن شایان تدقیق بربناده رسم کشادی اجرا ایدیلشدر . مدرسه نك اطرافی برچوق مزین باغچه لرله محاطدر . مدرسه بناسی ، تدریسات ، حفظ الصبحه ، اباته واعاشه خصوصاتی نظر دقته آینه رق اوکا کوره انشا ایدیلشدر . مدرسه نك نظامنامه سنه کوره طالبلرک حائر اولملری لازم کان شرائط دخول شونلردر :

(۱ - ۱۲ یاشندن دون اولماق ،) اورتا تحصیلی اکال ویا بودرجده اکتساب اهلیت ایتش اولمق ، ۳) جنجه و جنایتله محکوم اولماق ، ۴) مدرسه نظاماته رعایتی تعهد ایتک وسائر . .

بش وقت نماز مجبوریدر . مدرسه دن آیری اولارق برده جامع واردر . اعاشه ، اباته ، لباس ، اسکان کی طالبلرک ضروری احتیاجلری تماماً تأمین ایدیلشدر . طالبلرک بوکا مقابل شهری اوچ نابولون تأدیه ایتملری لازم کلمکده در . مع مافیه مجاناً داخل اوله بیللمکده ممکندر . مدرسه نك مدت تحصیلیه سی اون ایکی سنه در . اوچ قسم در . برنجی قسم اوچ ، ایکنجی قسم بش ، اوچنجی قسم دورت صنفدر . پروغرامی شورد : برنجی قسم . - معلومات دینه ، الک صوک اصول ایله لسان عربی (صرف ، نحو) منطق ، آرناوودجه ، فرانسه زجه ، حساب ، هندسه ، علم اشیا ، اخلاق ، تاریخ ، جغرافیا ، حسن خط ، تربیه .

ایکنجی قسم . - فقه اسلام ، توثیقات شرعیه ، مفصل و پراتیک لسان عربی (صرف ، نحو ، معانی) منطق ، فلسفه اسلامی ، وضع وانشا ، عروض ، تفسیر ، حدیث ، آداب مناظره ، اخلاق ، سیرنبوی ، احکام الاوقاف ، خلاصه قوانین وسائر .

اوچنجی قسم . - مفصل فلسفه اسلامی ، اصول فقه ، تفسیر ، حدیث ، آداب مناظره ، توثیقات شرعیه (مراجعات ایله برابر) ، اخلاق ، نظام المحاکم ، اصول القوانین ، ریاضیات ، طبیعیات ، فلسفه ، تصوف ، تاریخ ادیان ، مقایسه قوانین وسائر . .

ممالک سائرده دن ممکن اولدینی قدر متخصص جلب ایدیله جکدر . بومدرسه دن مأذونیت رؤخی سائر اولانلره مخصوص اولمق اوزره رسماً قبول ایدیلش برطاقم واسع امتیازات مخصوصه واردر .

یاقینده تیرانه حرکت ایدیورم . مخلنده یابه جم توثیقات نتیجه سنی بالاآخره بیلدیره جکم .

ط . بحر

اسکوب - ۱۴ تشرین اول - ۳۴۰

ایچون کلیساره چویردیلر . مسلمانلرک اسپانیاده وجوده کتیردکاری خزان صرفانه آتش ویریلشدی . مسلمان ارککاری ، قادینار و چوچوقلری قتل عام ایدلمش ، یاقلمش ، اسیر ایدلمشدی . قاچه بیلنلر آفریقا ساحلرینه برر دینجی اولارق دوشمشدی . شووارکه برعصر کچمندن اسپانیانک آتشی بریغین کول اولمشدی .

ضربی آفریقاده (الموحیدین) زماننده تعصبک حکمران اولماسی ترقی یی توقیف ایتدی ، علوم و صنایع مراکزینی جهالت و تعصب اوجاقلرینه چویرمشدی . کوله منلر دورنده مصرده حکمران اولان آنارشی ، علم و عرفانی انحطاطه دوچار ایتمشدی . آسیاده (تیمور) خاندانک تدریسی ، وحشی و متعصب اوزبکلرک ظهوری ، و تیمورک پای تختنده تأسیس سلطنت ایتملری خلقت حیایت علمیه سنی انحطاط ایتمشدی . صفویلر دورنده ایرانده ادبیات و علوم برآزتنفس ایتکده باشلامشدر . فقط بوانتبه موقندی . مرکزی آسیاده اولوم کی بقارا کلق حکمران اولمش ، فقط صوک زمانلرده بوظلمتلر افغانستاندن یواش یواش صیرلمه باشلامشدر . سلیم ایله سلیمان و مرادلرک دورنده تورکیاده علم و عرفان مظهر حمایه اولمش ، فقط تورکرک مدافعه نفس ایچون ، هدفی بللی اولمایان ، وهیچ امان ویرمین بر دشمنله متمادی حربلر ایچنده امرار حیاته مجبور اولمشلردر . بوکون اودشمن زائل اولمش ، فقط تورکرکینه حیات ایچون مجادله ایدیورلر . بوکی شرائط آلتنده ترقیات علمیه بالطبع یک بطی یورور . بو انحطاطدن مسلمانلری مسئول ایدنلره (غوبینو) بوجوایی ویریور :

« هر هائی آوروپا مملکتنده توزکیاده ایکی بچق عصر سورهن اداری وعسکری مطلقیتک ، مصرده کی آنارشی نك حکمران اولدینی تصور ایدیکز . ۱۷۳۰ ده ایرانک دوچار اولدینی افغان استیلاسی درخاطر ایدیکز . بوتون بوشرائطی طوبلاییکز . بولره برآوروپا مملکتی معروض ایدیکز ، ناصل خراب اولورسه شرق مملکتلری ده اولهجه خراب اولمشدر . بناء علیه مسلمانلغه حقز برانسانده بولونمق ناجبار . »

زمان ظهوری اولان یدنجی عصر میلادیدن اون یدنجی عصر میلادی به قدر مسلمانلق بوکونکی آوروپایی احیاییدن ادبی و علمی بروح ایله مشبوع ایدی . مسلمانلق مسلمانلری ایلرله تمش و اونلرک مادی وفکری برانکشاف عالی به مظهریتلرینی تأمین ایتمشدر . آسیانک رجعتندن بری خریستیانلق عالمی برهلا کواستیلانسه اوغرامامشدر . کرچه آوروپاده برچوق حربلر وقوع بولمش ، قاتولیکلر ، پروتستانلر یکدیگری یاقش . فقط آوروپا اندلس مسلمانلرینک کاملاً قتل عامی ، هلاکونک استیلاسی ، عرفان و مدنیق احاک کی فلاکتلره دوچار اولامشدر . بونک ایچون بوکون :

برده داری میکند درقصر قیصر عسکوت

بوم نوبت میزند برکنبد افراسیاب

ناقلی

عمر رضا